

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



Islahijet br.8, telefon 049 218-220, faks 049 218-438
Ислахијет бр.8, телефон 049 218-220, факс 049 218-438
www.revizija-bd.ba

Broj: 01-02-03-13-167/15
R: 04-01; 09-01; 010-01/15

**IZVJEŠTAJ
O REVIZIJI FINANSIJSKOG POSLOVANJA
Policije Brčko distrikta BiH
za period 1. 1. - 31. 12. 2014. godine**

Brčko, maj 2015. godine

SADRŽAJ

NEOVISNO REVIZORSKO MIŠLJENJE.....	3
REZIME DATIH PREPORUKA	5
NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA POLICIJE BRČKO DISTRIKTA BIH ZA 2014. GODINU	6
1. UVOD.....	6
2. OPĆI DIO.....	6
3. PREDMET, CILJ I OBIM REVIZIJE.....	7
4. OSVRT NA NALAZE I IMPLEMENTACIJA PREPORUKA REVIZIJE FINANSIJSKOG POSLOVANJA ZA 2013. GODINU	7
5.1 RUKOVODSTVO I SISTEM INTERNIH KONTROLA.....	7
5.2. PLANIRANJE I IZVRŠENJE TEKUĆEG BUDŽETA	8
5.3. PLANIRANJE I IZVRŠENJE KAPITALNOG BUDŽETA.....	10
5.4. PRIHODI I PRIMICI	10
5.5. POPIS SREDSTAVA.....	11
6. KOMENTAR.....	12
PRILOZI.....	13

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



Islahijet br.8, telefon 049 218-220, faks 049 218-438
Ислахијет бр.8, телефон 049 218-220, факс 049 218-438
www.revizija-bd.ba

MENADŽMENTU POLICIJE BRČKO DISTRIKTA BiH

NEOVISNO REVIZORSKO MIŠLJENJE

Predmet revizije

Izvršili smo reviziju finansijskog poslovanja Policije Brčko distrikta BiH (u daljnjem tekstu: Policija) za period 1. 1. – 31. 12. 2014. godine, te reviziju usklađenosti poslovanja s važećim zakonskim i drugim relevantnim propisima.

Odgovornost rukovodstva

Šef Policije je odgovoran za finansijsko poslovanje Policije i usklađenost poslovanja s važećim zakonskim i drugim relevantnim propisima. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje nastanka materijalno značajnih grešaka u finansijskom poslovanju Policije.

Odgovornost revizora

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, broj 40/08) i primjenjivim okvirom Međunarodnih standardima vrhovnih revizijskih institucija – ISSAI (Službeni glasnik Brčko distrikta BiH, broj 3/15). Ovi standardi nalažu da radimo u skladu s etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne pogreške, te da je poslovanje usklađeno s važećim zakonskim i drugim relevantnim propisima.

Revizija uključuje sprovođenje postupka u cilju pribavljanja revizorskih dokaza o usklađenosti finansijskog poslovanja. Izbor postupka je zasnovan na revizorskom prosuđivanju, uključujući procjenu rizika materijalno značajnih pogrešaka u finansijskom poslovanju. Prilikom procjene rizika, revizor razmatra interne kontrole koje su relevantne za finansijsko poslovanje, u cilju osmišljavanja revizorskih postupaka koji su odgovarajući u datim okolnostima i zadovoljavaju standarde revizije.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

Pozitivno mišljenje

Po našem mišljenju u finansijskom poslovanju Policije u periodu 1. 1. - 31. 12. 2014. godine, nema značajnih neusaglašenosti s važećim zakonskim propisima kao i planiranim pozicijama budžeta.

Zamjenici glavnog revizora
Amra Ilić, dipl. oec.

mr. sci. Savo Grujić, dipl. oec.

Glavni revizor
Nekir Suljagić, dipl. oec.

REZIME DATIH PREPORUKA

Potrebno je, internom kontrolom usaglasiti ugovorene usluge, u dijelu povezivanja visine naknade sa brojem sati angažovanja.

Potrebno je, dinamiku tekućeg budžeta uskladiti sa izvršenjem budžeta, uz obrazloženje odstupanja od planiranog tekućeg budžeta.

Potrebno je, popis imovine potraživanja i obaveza vršiti na način i u rokovima propisanim Uputstvom o radu popisnih komisija i obavljanju popisa sredstava, potraživanja i obaveza.

NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA POLICIJE BRČKO DISTRIKTA BiH ZA 2014. GODINU

1. UVOD

Obavili smo reviziju finansijskog poslovanja Policije za 2014. godinu na osnovu ovlaštenja u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, broj 40/08 i 29/14). Ured za reviziju javne uprave i institucija u Brčko distriktu BiH ima prethodno iskustvo sa klijentom.

2. OPĆI DIO

Policija, u skladu sa Statutom Brčko distrikta BiH, Zakonom o policiji i drugim zakonskim i podzakonskim aktima, obavlja poslove iz svoje nadležnosti:

- zaštite života i imovine;
- zaštite ljudskih prava i sloboda građana zagantovanih Ustavom BiH i Statutom Brčko distrikta BiH;
- sprečavanja, otkrivanja i istraživanja krivičnih djela i prekršaja koji nisu u isključivoj nadležnosti drugih policijskih organa BiH,
- poslove i zadatke koji se odnose na održavanje javnog reda i mira,
- osiguranja određenih ličnosti i objekata u Distriktu,
- poslove i zadatke koji se odnose na održavanje javnih skupova,
- poslove sigurnosti saobraćaja na putevima Distrikta i drugi poslovi u oblasti sigurnosti saobraćaja utvrđeni zakonom,
- poslove kontrole nabavke, držanja i nošenja oružja i municije i vođenja propisanih evidencija,
- druge poslove i zadatke koje Policiji povjeri tužilac Distrikta i druga tužilaštva u BiH,
- poslove koji se odnose na oblast proizvodnje, prometa i skladištenja eksplozivnih materija, koji su u nadležnosti Distrikta,
- poslove koji se odnose na rad agencija za zaštitu ljudi i imovine,
- provođenja propisa o oružju i municiji,
- inspekcijskog nadzora u oblastima iz svoje nadležnosti,
- upravnih i drugih stručnih poslova utvrđenih zakonom ili drugim propisima,
- drugih poslova i zadataka stavljenih u njenu nadležnost u skladu sa zakonom.

Planirani zadaci Policije izvršavani su kroz operativne, stručne, administrativne, pravne i druge aktivnosti, a kojima se obezbjeđuje: zaštita života i lična sigurnost građana, provođenje Ustava i zakona BiH, Statuta Brčko distrikta BiH i ostalih zakona Brčko distrikta BiH, u cilju ostvarivanja zakonitog, blagovremenog i ekonomičnog izvršenja svih poslova iz nadležnosti Policije, postizanje potpunog korištenja svih resursa koji stoje na raspolaganju, potpune odgovornosti zaposlenika i maksimalno korištenje njihovih znanja i kvalifikacija, kao i unapređenja saradnje s drugim policijskim agencijama i organima Bosne i Hercegovine.

Poslovi Policije obavljaju se u okviru sljedećih organizacionih jedinica:

- Kabinet šefa policije;
- Jedinica opšte policije;

- Jedinica saobraćajne policije;
- Jedinica kriminalističke policije;
- Jedinica za istraživanje ratnih zločina;
- Jedinica za podršku;
- Operativno komunikacijski centar;
- Jedinica za profesionalne standarde;
- Jedinica za administrativnu podršku i logistiku.

3. PREDMET, CILJ I OBIM REVIZIJE

Predmet revizije je finansijsko poslovanje u 2014. godini, u dijelu planiranja i izvršenja budžeta, ocjena sistema internih kontrola, kao i usklađenost poslovanja sa zakonskim i drugim relevantnim propisima.

Cilj revizije finansijskog poslovanja Policije je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje, obavljeno u skladu sa zakonskim važećim propisima Brčko distrikta BiH, kao i planiranim pozicijama budžeta. Pored toga revizija je planirana i izvršena s ciljem pribavljanja realne osnove za ocjenu da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, te davanja preporuka za dalji rad s posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

Obim revizije je utvrđen internim planskim dokumentima revizije finansijskog poslovanja za 2014. godinu.

S obzirom da se revizija obavlja provjerama na bazi uzoraka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

4. OSVRT NA NALAZE I IMPLEMENTACIJA PREPORUKA REVIZIJE FINANSIJSKOG POSLOVANJA ZA 2013. GODINU

Na osnovu preporuka iz Izvještaja o obavljenoj reviziji finansijskog poslovanja za period 1. 1. -31. 12. 2013. godine, Policija je usvojila Akcioni plan za rješavanje primjedbi po navedenom izvještaju broj: 14.05/1-13-41770/14 od 23. 06. 2014. godine. Policija je realizovala preporuke iz Izvještaja o obavljenoj reviziji finansijskog poslovanja za prethodnu godinu.

5. NALAZI I PREPORUKE

5.1 Rukovodstvo i sistem internih kontrola

Revizija obuhvata ocjenu sistema internih kontrola, s naglaskom na funkcionisanje internih kontrola kroz realizaciju programa rada, planiranja i izvršenja budžeta, te usklađenost poslovanja sa zakonskim i podzakonskim aktima.

Na osnovu provedene revizije značajnih procesa poslovanja, izvršili smo procjenu uspostavljanja, funkcionisanja i nadzora sistema internih kontrola.

Postoje nedostaci interne kontrole vezanih za ugovore o povremenim i privremenim poslovima zaključivanih sa spoljnim saradnicima za rad u Komisiji za organizovanje i održavanje predavanja o posljedicama koje proizilaze iz nepoštovanja ili nepoznavanja propisa o sigurnosti saobraćaja na putevima, u dijelu regulisanja visine naknade po održanom satu predavanja.

Potrebno je, internom kontrolom usaglasiti ugovorene usluge, u dijelu povezivanja visine naknade sa brojem sati angažovanja.

5.2. Planiranje i izvršenje tekućeg budžeta

Tekući budžet Policije za 2014. godinu planiran je u iznosu od **10.843.701,87 KM**, a realizovan je u iznosu od **9.758.315,01 KM**, odnosno **89,99 %** od plana (Tabela 1).

Realizacija odobrenog tekućeg budžeta, za pojedine vrste rashoda, se odnosi na: doprinos na teret poslodavca 73,97 %, nabavku materijala 77,37 %, izdaci za tekuće održavanje 65,75 %, ugovorene usluge 67,36 % i grantovi pojedincima 39,60%, što je prikazano u tabeli broj 1 koja se nalazi u prilogu ovog izvještaja.

Izvršenje tekućeg budžeta je manje u odnosu na planirani budžet, te samim tim nisu kvartalni i operativni planovi usklađivani s izvršenjem budžeta.

Potrebno je dinamiku tekućeg budžeta uskladiti sa izvršenjem budžeta, uz obrazloženje odstupanja od planiranog tekućeg budžeta.

Plate i naknade troškova zaposlenih planirani su u iznosu od 8.437.467,83 KM, a realizovani u iznosu od 7.897.303,94 KM, odnosno 93,60% od planiranog iznosa. Bruto plate i naknade su planirane za 320 zaposlenika. Broj zaposlenih se tokom godine smanjivao zbog odlaska dijela zaposlenika u penziju, kao i zbog toga što tokom godine nisu raspisivani konkursi za popunu planiranih radnih mjesta, tako da je na dan 31.12.2014. godine bilo 283 zaposlenika.

Doprinosi na teret poslodavca planirani su u iznosu od 941.609,04 KM, a realizovani u iznosu od 696.496,66 KM, odnosno 73,97% od planiranog iznosa. Do odstupanja planiranih i realizovanih sredstava za doprinose poslodavca i ostale doprinose došlo je zbog nerealizacije planiranog popunjavanja pozicija policijskih službenika – kadeta, kao i zbog specifičnog obračuna plata policijskih službenika (beneficiran radni staž, napredovanje pri sticanju činova, unapređenja, noćni rad, prekovremeni rad i dr.).

Odredbama Zakona o policijskim službenicima Brčko distrikta BiH (Službeni glasnik Brčko distrikta BiH, brojevi: 41/07, 4/08, 36/09, 60/10 i 37/14) regulisano je da se prijem policijskih službenika na određena radna mjesta vrši internim konkursom, tako da je u momentu planiranja nepoznato koji će policijski službenik biti primljen. Sredstva se moraju

planirati i za radna mjesta na kojima su već uposleni radnici, kao i za radna mjesta koja se trebaju popuniti. Radna mjesta koja se trebaju popuniti su u momentu planiranja već poznata, jer u procesu činovanja zna se koji policijski službenik ima pravo na zahtjev za promjenu čina, ali se ne zna sa kojeg radnog mjesta će biti prijem po raspisanom internom konkursu.

Budžetom za 2014. godinu obezbijeđena su sredstva za popunjavanje upražnjenih pozicija. Zbog donošenja novog Zakona o državnoj službi u martu 2014.godine, na osnovu koga je trebalo donijeti podzakonske akte, Pododjeljenje za ljudske resurse nije moglo raspisati javni konkurs za prijem državnih službenika i namještenika. Policijski službenici-kadeti koji su primljeni putem javnog konkursa u 2013. godini u činu policajca i činu mlađeg inspektora, upućuju se na osnovnu policijsku obuku od godinu dana, odnosno šest mjeseci. Zbog kasnog organizovanja obuke na Policijskoj akademiji u Sarajevu, upućeni su na obuku tek krajem 2014. godine, a konkurs za prijem policijskih službenika –kadeta nije raspisan zbog kašnjenja obuke prethodno primljenih kadeta.

Izdaci za energiju planirani su u iznosu od 92.000,00 KM, a realizovani su u iznosu od 87.183,68 KM, odnosno 94,76 % od planiranog. U okviru ovih izdataka za električnu energiju utrošeno je 53.487,68 KM.

Sredstva za nabavku materijala i sitnog inventara planirana su u iznosu od 405.300,00 KM, a realizovana u iznosu od 287.624,84 KM, odnosno 70,97 % od planiranog. Procent realizacije je nizak zbog toga što znatan dio sredstva, za nabavku policijskih uniformi nije realizovan jer je postupak javne nabavke kasno okončan te nije došlo do potpisivanja ugovora sa dobavljačem.

Izdaci za tekuće održavanje planirani su u iznosu od 304.325,00 KM, a realizovani u iznosu od 200.106,68 KM, odnosno 65,75% od planiranog iznosa. Procent ostvarenja navedenih troškova je nizak, zbog toga što su sredstva odobrena drugim rebalansom budžeta u decembru 2014. godine, te zbog kratkog vremenskog roka provedeni tender za nabavku rezervnih dijelova i autoguma nije mogao biti realizovan u toku 2014. godine, odnosno nije došlo do potpisivanja ugovora.

Sredstva za ugovorene usluge planirana su iznosu od **123.700,00** KM, a realizovana u iznosu od 111.100,22 KM, odnosno 89,81% od planiranog tekućeg budžeta.

U okviru ugovorenih usluga isplaćene su naknade usluga po ugovorima o povremenim i privremenim poslovima za rad u komisijama (spoljni saradnici) u iznosu od 5.721,54 KM. Revizijom smo utvrdili da su svi ugovori o povremenim i privremenim poslovima sa vanjskim saradnicima, kojima je ugovoreno održavanje predavanja za vozače, zaključeni na isti mjesečni iznos sredstava. Naknade su isplaćivane u istom iznosu svim članovima Komisija za organizovanje i održavanje predavanja o posljedicama koje proizilaze iz nepoštovanja ili nepoznavanja propisa o sigurnosti saobraćaja na putevima, bilo da su angažovani zaposlenici Policije ili spoljni saradnici i nezavisno od toga koliko sati su bili angažovani.

Smatramo da navedenim ugovorima treba regulisati mjesečnu naknadu koja će odražavati sate održanih predavanja.

Grantovi pojedincima planirani su u iznosu od 59.500,00 KM, a realizovani u iznosu od 23.563,65 KM, odnosno 39,60 % od planiranog iznosa.

Navedena sredstva nije moguće precizno planirati jer se ista odnose na specifične izdatke propisane Pravilnikom o korištenju sredstava za specijalne izdatke Policije Brčko distrikta BiH broj. 14-05-1767/07 od 24. 8. 2007. godine.

5.3. Planiranje i izvršenje kapitalnog budžeta

Sredstva kapitalnog budžeta 2012.-2014. godina planirana su u iznosu 1.363.017,73 KM, a realizovana u iznosu od 1.067.991,99 KM ili 78,41 % plana.

Planom budžeta za 2014. godinu Policiji je odobren kapitalni budžet u iznosu od 21.500,00 KM, a izvršenje na dan 31.12.2014. godine iznosi 9.537,83 KM, što predstavlja 44,36 % od planiranog (tabela broj 2 u prilogu).

U 2014. planirana od 47 kapitalnih projekata realizovano je kako slijedi:

- 37 kapitalnih projekata 100 % su realizovani, a odnose se na 19 projekata iz budžeta 2012, 17 iz 2013. i 1 projekat iz 2014. godine.
- za 5 kapitalnih projekata iz 2013. godine, dio je realizovan, a za preostali dio je pri kraju izrada tenderske dokumentacije.
- za 1 projekt iz 2013. godine, pri kraju je izrada tenderske dokumentacije.
- za 2 projekata iz 2013. godine, tender je poništen, radi se na izradi tenderske dokumentacije.
- za 2 projekata iz 2013. godine, postupak nabavki do završetka naše revizije nije pokrenut, jer su sredstva odobrena rebalansom budžeta 2014. godine.

5.4. Prihodi i primici

Prihodi Policije planirani su u iznosu od 2.043.186,00 KM, a ostvareni u iznosu od 1.845.995,05 KM ili 90,35% od plana.

Struktura ukupnih prihoda Policije na dan 31.12.2014. godine prikazana je u tabelarnom pregledu br. 3, u prilogu Izvještaja.

U strukturi prihoda Policije najznačajni su prihodi od novčanih kazni za prekršaje koju su registrovani u registru novčanih kazni i troškovi prekršajnog postupka, koje su na dan 31.12.2014. godine ostvareni u iznosu od 1.726.231,37 KM ili 91,31% od planiranog. Iako je broj izrečenih kazni približno isti, navedeni prihodi su nešto niži od planiranih, zbog smanjene platežne sposobnosti građana.

Iz navedenog tabelarnog prikaza planiranih i ostvarenih prihoda može se zaključiti da je procent ostvarenja prihoda u iznosu od 90,35% nešto niži od planiranog za izvještajni

period, a najznačajnija odstupanja iskazana su kod: naknada, taksi i prihoda od pruženih javnih usluga 78,44%, administrativnih taksi 67,45% i ostalih budžetskih naknada 78,04%.

Naknade, takse i prihodi od pruženih javnih usluga planirani su u iznosu od 152.686,00 KM a ostvareni u iznosu od 119.763,68 KM, a odnose se na: naknade za izdate obrasce oružnih listova, naknade za izvlačenje i prenošenje vozila havarisanog u saobraćajnoj nezgodi na području Brčko distrikta BiH, naknada za kretanje teretnih vozila gradom gdje postoji zabrana kretanja.

Razlozi za niže ostvarenje navedenih vrsta prihoda su sljedeći:

- Naknada za izdate obrasce oružnih listova su niže zbog novih zakonskih propisa Zakona o oružju i municiji, jer se građani često odriču oružja (ili ga poklanjaju, ili daju na uništenje),
- Naknade za izvlačenje i prenošenje vozila havarisanog u saobraćajnoj nezgodi na području Brčko distrikta BiH su niže, jer se radi o posebnoj vrsti usluga, za koju je bila smanjena potražnja,
- Naknada za kretanje teretnih vozila gradom gdje postoji zabrana kretanja kao posljedica sankcionisanja za vozila koja su se kretala bez odobrenja, smanjena je zbog smanjenog broja zahtjeva za kretanje teretnih vozila gradom gdje postoji zabrana.

5.5. Popis sredstava

Na osnovu Odluke o izvršenju popisa i imenovanju Komisije za popis broj predmeta 14.05-13-3563/14, broj akta 14.05-13-83676/14 od 08.12.2014. godine, imenovane su popisne komisije.

Centralna popisna komisija je na osnovu izvještaja pojedinačnih popisnih komisija dana 15.01.2015. godine, sačinila Izvještaj za popis imovine koju koristi Policija na dan 31.12.2014. godine, odnosno Elaborat o izvršenom popisu stalnih sredstava i izvora sredstava sa stanjem 31.12.2014. godine.

Nakon 15.01.2015. godine Centralna popisna komisija je, u više navrata službenim zabilješkama (16.01., 19.01., 17.02. i 16.03. 2015. godine) konstatovala da je vršeno dodatno usaglašavanje knjigovodstvenog sa stvarnim stanjem imovine, što nije u skladu sa rokom utvrđenim članom 7 Uputstva o radu popisnih komisija i obavljanja popisa sredstava, potraživanja i obaveza.

Potrebno je popis imovine potraživanja i obaveza vršiti na način i u rokovima propisanim Uputstvom o radu popisnih komisija i obavljanju popisa sredstava, potraživanja i obaveza.

6. KOMENTAR

Policiji je uručen Nacrt Izvještaja o reviziji finansijskog poslovanja za 2014. godinu broj:01-02-03-13-117/15 na razmatranje i dostavljanje eventualnih novih dokaza i komentara na nalaze revizije.

U ostavljenom roku od 15 dana, Policija se očitovala dopisom broj: 14.05-48-27586/15 od 29. 4. 2015. godine. U navedenom očitovanju nisu navedene primjedbe na nalaze sadržane u Nacrtu izvještaja, te je ovaj Izvještaj konačan.

Tim za reviziju

Envera Imamović, dipl. oec.

Began Čaušević, dipl. oec.

Tatjana Pavlović-Klašnić, dipl. iur.

PRILOZI

Struktura planiranih i izvršenih tekućih izdataka za 2014. godinu, po pozicijama Policije Distrikta prikazana je u sljedećoj tabeli:

Tabela broj 1

Ekonom. kod	Naziv ekonomskog koda	Izvršenje tekućeg budžeta sa 31.12.2013. god.	Planirani tekući budžet 31.12.2014. god.	Izvršenje tekućeg budžeta sa 31.12.2014. god.	Indeks u odnosu na plan (5/4)x100	Indeks u odnosu na prethodnu godinu (5/3)x100
1	2	3	4	5	6	7
611100	Bruto plate	7.895.314,82	8.293.649,83	7.760.986,40	93,58	98,30
611200	Naknade troškova zaposlenih	142.219,69	143.818,00	136.317,54	94,78	95,85
611000	PLATE I NAKNADE TROŠKOVA ZAPOSLENIH	8.037.534,51	843.467,83	7.897.303,94	93,60	98,26
612100	Doprinos na teret poslodavca	805.725,04	941.609,04	696.496,66	73,97	86,44
613100	Putni troškovi	77.300,07	56.500,00	54.082,93	95,72	69,96
613200	Izdaci za energiju	82.851,25	92.000,00	87.183,68	94,76	105,23
613300	Izdaci za komun. usluge	104.642,05	109.400,00	102.912,16	94,07	98,35
613400	Nabavka materijala	246.545,94	405.300,00	287.624,84	70,97	116,66
613500	Izdaci za usl. prev. i goriva	267.373,59	265.000,00	252.014,82	95,10	94,26
613600	Iznajmljivanje imov. i opre.	5.588,40	6.400,00	5.588,40	87,32	100,00
613700	Izdaci za tekuće održavanje	258.263,57	304.325,00	200.106,68	65,75	77,48
613800	Izdaci osigur., bank. usluge i usl. platnog prometa	38.071,75	42.500,00	40.337,03	94,91	105,95
613900	Ugovorene usluge	101.021,74	123.700,00	111.100,22	89,81	109,98
613000	Izdaci za materijal i usluge	1.181.658,36	1.405.125,00	1.140.950,76	81,20	96,56
614200	Grantovi pojedincima	21.320,25	59.500,00	23.563,65	39,60	110,52
60000	Ukupan tekući budžet (rashodi)	10.046.238,16	10.843.701,87	9.758.315,01	89,99	97,13

Budžet kapitalnih potreba

Tabela br. 2

God.	Planirani kapitalni budžet	Izvršenje kapitalnog budžeta u 2012.	Izvršenje kapitalnog budžeta u 2013.	Izvršenje kapitalnog budžeta u 2014.	Ukupno izvršeno na dan 31.12.2014. godine (3+4+5)	% izvršenja na dan 31.12.2014. (6/ 2) x 100)
1	2	3	4	5	6	7
2012.	394.457,73	49.512,17	253.252,65	78.553,73	381.318,55	96,67
2013.	946.060,00	0,00	61.783,16	615.352,45	677.135,61	71,57
2014.	21.500,00	0,00	0,00	9.537,83	9.537,83	44,36
Ukupno:	1.362.017,73	49.512,17	315.035,81	703.444,01	1.067.991,99	78,41

Prihodi

Tabela br. 3

R. br.	Ekonomski kod	VRSTA PRIHODA	2014		% ostvarenja
			plan prihoda	ostvarenje I-XII	
1.	722111	Takse za uvjerenja	12.300,00	7.260,00	59,02
2.	722114	Taksa za rješenja u upravnom postupku	4.000,00	2.887,50	72,18%
3.	722115	Taksa za registraciju oružja	5.000,00	4.221,90	84,44%
4.	722123	Taksa na zahtjev rješenja i odobr. za vršenje djelatnosti	100,00	55,00	55,00%
5.	722100	Administrativne takse (1+2+3+4)	21.400,00	14.424,40	67,40
6.	722435	Naknada za izvršeni uviđaj saobraćajnih nezgoda	15.000,00	17.168,20	114,45%
7.	722436	Naknada za usluge pratnje specijalnih tereta	3.000,00	10.460,00	348,60%
8.	722438	Naknada za izdate obrasce oružanih listova	23.400,00	16.389,30	70,00%
9.	722441	Naknade za premještaj nepropisno zaustavljenog ili parkiranog vozila	30.000,00	9.035,85	30,10%
10.	722442	Naknade za izvlačenje i prenošenje vozila havarisanog u saobraćajnoj nezgodi na području Brčko distrikta BiH	1.000,00	-	0,00%
11.	722443	Nak. za ktri.teh preg. voz. radi utvr. br. šasije i br. mot. sa miš. i foto. dok	600,00	342,00	57,00%
12.	722444	Naknade za obrazac legitimacije pripadnika fizičkog ili tehničkog	936,00	708,60	75,70%
13.	722446	Naknada za kretanje teretnih vozila ulicama grada gdje postoji zabrana kretanja za takva vozila	50.000,00	42.628,66	85,26%
14.	722452	Nak. za otkup lomlj. alu.starog željeza	100,00	79,33	79,33%
15.	722453	Naknada za izdate obrasce "Dozvola za nošenje oružja"	700,00	538,20	76,88%
16.	722454	Naknade za izdate obrasce "Potvrda o prijavi oružja"	600,00	468,00	78,00%
17.	722400	Ostale budžetske naknade (6+7+...+16)	125.336,00	97.818,14	78,04
18.	722500	Posebne naknade i takse (Naknada za pol.ispita i osposob.za prav.ruk.oružjem)	5.850,00	5.440,50	93,00%
19.	722700	Ostale neplanirane uplate	100,00	2.080,64	2080,64%
20.	722000	Naknade i takse i prihodi od pružanja javnih usluga (5+17+18+19)	152.686,00	119.763,68	78,44
21.	72300	Novčane kazne za prekršaje koje su registrovane u registru novčanih kazni i troškovi prekršajnog postupka-Policija	1.890.500,00	1.726.231,37	91,31%
22.		UKUPNO (20+21)	2.043.186,00	1.845.995,05	90,35%